

# 傷寒論詮釋敘

瑞金 周邦道

吾國醫學，自岐黃肇始，已四千六百餘年於茲；實民族健康之所維繫，而有其獨特卓異之價值與位置。未可以當前科學之進步，而遽數典忘祖，妄自菲薄，謚爲「不科學」，「非科學」，而鄙夷之，謗揚棄之，不遺餘力也！總統蔣公民國二十六年對中醫界訓詞有云：「中醫精神所貫注，心靈所觀察，決非科學之法則所能說明，機械之精良所能試驗；是中醫不獨確有保存之價值，且足以在世界醫藥史佔一位置。」旨哉言乎，可以導引國人對於醫藥學術之辨識矣！

不佞於中國醫藥學術，素所崇尚。往年忝掌嶺教，於南昌許君壽仁等籌辦中醫學校，曾特爲備案。來臺後，一度兼職中國醫藥學院，並庖代院務。閉管集思廣益，揭藥教導方針凡二十條，期有以「昌明本國醫藥教育」，「發揚固有獨特文化」。比襄考政，於醫事人員及中醫師之檢覆，謬與其役。夫以未嘗學醫之人，而與醫學發生如許關繫，殆可謂有殊勝因緣也！

三臺吳國定先生，前於中國醫藥學院有同事之雅，好古覃思，博覽廣識，每欽其治學之方。近以慧目玄解，著爲傷寒論詮釋，於東漢張機仲景「勤求古訓，博采衆方」之精蘊，闡發靡遺。詮證既極治切，覓解尤覓問詳；至篇章之秩釐，文筆之條暢，尙其餘事。太史公有言：「人之所病病疾多，醫之所治病道少。」是書橫嶺巨製，以科學方法整理國故，彌足以弘揚南揚醫聖「言高旨遠」之載籍，軒轅岐伯相傳弗替之醫道；其嘉惠來學，康濟斯民之功德，爲何如耶！承屬弁言，爰述所感以歸之。

民國五十三年五月